

Ineqarnermi Maalaaruteqartarfiup aalajangiisartut ukiumoortumik nalunaarutaat 2018

Imarisai

1	Siulequt	3
2	Paasissutissat nalignnaasut.....	4
3	Ineqarneq pillugu Maalaaruteqartarfiup pisinnaatitaaffii.....	5
4	Ineqarneq pillugu maalaaruteqartarfiup ilaasortai	6
5	Ineqarneq pillugu maalaaruteqartarfiup 2018-mi sulinera	8
6	Naatsorsueqqissaarneq 2018.....	9
6.1	Suliat itigartitsissutigineqartut agguataarnerat	9
6.2	Pissutsit piviusut najoqqutaralugit suliaasimasut	9
6.2.1	Suliassaq nr. 1 – 2016-17973.....	10
6.2.2	Suliassaq nr. 2 – 2016-8521.....	10
6.2.3	Suliassaq nr. 3 – 2016-4454.....	10
6.2.4	Suliassaq nr. 4 – 2017-2925.....	10
6.2.5	Suliassaq nr. 5 – 2015-16747.....	11
6.2.6	Suliassaq nr. 6 – 2016-7400.....	11
6.2.7	Suliat nr. 7-23 – 18/00646, 18/00658, 18/00660, 18/00661, 18/00662, 18/00663, 18/00664, 18/00666, 18/00667, 18/00668, 18/00669, 18/00670, 18/00671, 18/00672, 18/00673, 18/00674 og 18/00675.....	12

1 Siulequt

Ineqarneq pillugu maalaaruteqartarfiup ukiumoortumik nalunaarut saqqummiuppaa Inissianik attartortitsisarneq pillugu Inatsisartut peqqussutaat nr. 2, 12. maaji 2005-imeersoq § 83, imm. 4 naapertorlugu.

Nalunaarutip ukioq naallugu nalunaarsuut najoqqutarivaa imaqarlunilu naatsumik nassuiaammik Ineqarneq pillugu maalaaruteqartarfiup suliassarisaanik, naatsorsuutininik maalaarutit pillugit suliarineqarsimasunik aammalu sulianik naammassineqarsimasunik.

Nalunaarut aamma nassaassaavoq Ineqarneq pillugu maalaaruteqartarfiup quppersagaani:
www.aua.gl

Ineqarneq pillugu Maalaaruteqartarfiup allatseqarfia isumaqatiginninnikkut tunniussisinnaavoq imaluunniit nassiussilluni ukiumoortumik nalunaarutip assinganik pappilianngorlugu.

Ineqarneq pillugu maalaaruteqartarfiup allatseqarfia attavigineqarsinnaavoq uunga:

Najugaqarfik: Imaneq 29, 1, postboks 689, 3900 Nuuk
Mail: maalaarut@nanoq.gl
Oqarasuaat: 32 80 33

Naja Joelsen

Ineqarneq pillugu Maalaaruteqartarfiup Siulittaasua

2 Paasissutissat nalinginnaasut

Ineqarneq pillugu maalaaruteqartarfik pilersinneqarsimavoq Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq § 82, imm. 1 tunuliaqutaralugu.

Ineqarneq pillugu maalaaruteqartarfik nunatsinni allaffissornikkut qullersaavoq maalaaruteqartarfittut inissianut attartortittakkanut tunngassuteqartunut.

Allaffissornikkut assingusuvoq eqqartuussiveqarnerup suleriaasaanut, attuumassuteqarani aqunneqaranilu iliuusissatsigut oqaaseqaateqarnissakkulluunniit pisorta qarfinniit imaluunniit allatigut, qanoq suliassat ataasiakkat ingerlanneqassanersut aalajangiiffigineqassanersullu.

Aalajangiisartoqatigiit aalajangiisarput attartortut attartortitsisullu akunnerminni aaqqiagiinningsutaannut Namminersorlutik kommunillu attartortittakkatut ineqarfiutaannut tunngassuteqartunut Illuut A/S inissiaatai minillugit (Ineqarneq pillugu maalaaruteqartarfiup 2014-mut ukiumoortumik nalunaarusiaa takujuk).

Aalajangiinerit peqataasunut tamanut atuuttussaatinneqartarput allanngortinneqarsinnaanatik inaarutaasumillu aalajangiinerusarlutik. Ineqarneq pillugu maalaaruteqartarfiup aalajangiussai taamaasillutik allaffissornikkut qullersaqarfinnut allanut ingerlateqqinneqarsinnaanngillat. Tamanna isumaqarpoq, peqataasoq Ineqarneq pillugu Maalaaruteqartarfiup aalajangiineranut naammagittaalliornissamik kissaateqaruni suliaq eqqartuussiveqarfinnut ingerlateqqissinnaavaa maleruagassat nalinginnaasut naapertorlugit.

Ineqarneq pillugu maalaaruteqartarfiup siunertaa unaavoq aalajangiussai ersarissumik pingaarutilimmillu sunniuteqartinneqassasut siunnersuinikkut- aammalu suleriaaseq tunngavigalugu innuttaasunut, inissiaatileqatigiiffinnut allanullu taamatut sammisalinnut soqutiginnittunut.

Tamannalu tunngavigalugu Ineqarneq pillugu maalaaruteqartarfik qulakkeerinneqataavoq tunngavilersorluakkanik eqqortunillu aalajangiisoqartarneranik, sumiluunniit illoqarfinni inissiat inissisimagaluarpata.

Maalaaruteqartarfiup atuutinneqarnera erseqqinnerusumik naleqqussarneqarnikuuvoq attartortitsisarneq pillugu (attartornermut peqqussut) peqqussummi § 82-86-ip tungaanut, Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq aamma Ineqarneq pillugu maalaaruteqartarfiup sulinera pillugu Namminersornerullutik Oqartussat nalunaarutaat nr. 27, 26. november 2008-meersoq.

3 Ineqarneq pillugu Maalaaruteqartarfiup pisinnaatitaaffii

Ineqarneq pillugu maalaaruteqartarfiup pisinnaatitaaffii erserput attartortitsisarneq pillugu peqqussutip § 84, imm. 1-ianni.

Ineqarneq pillugu maalaaruteqartarfiup suliassaq maalaarut sularisinnaavaa sammisanut makkununga attuumassuteqarpat:

- a) Ineqarnermut akiliutip qaffanneqarnissaanik kallerriisoqarpat piunasaqaatit nalinginnaasut naammassinissaat.
- b) Aserfallatsaaliinernut iluarsartuussinernullu tunngassuteqartunut.
- c) Inigisap iserterfigineqarnerani isikkuanut tunngasut.
- d) Attartukkami ikkussugassanut pitsanngorsagassanullu tunngasut (aalajangiisinnaatitaaneq).
- e) Attartortup attartukkaminik atuinera (ineqarfiup maleruaqqusaanik unioqqutitsinerit).
- f) Attartuisinnaatitaanerup allamut tunniunna (inigisanik paarlaaneq, attartukkamik attartuisitsineq attartornerullu nangingneqarnera).
- g) Inigisap qimannerani isikkuanut tunngasut (nalinginnaasumik iluarsartuineq)

Ineqarneq pillugu Maalaaruteqartarfimmu maalaaruteqarnissaq 150 kr.-imik akeqartinneqarpoq. Maalaaruteqartoq akiliuteqassaaq, suliap ingerlateqqinneqarnissaa sularineqalerpat. Akiliut naammagittaalliortumut uterteqqinneqassaaq paasinarsippat attartortoq tamakkiisumik ilaannakortumilluunniit maalaarumminut taparserneqarsimasoq.

Ineqarneq pillugu maalaaruteqartarfiup maalaarutit sularinissaannut itigartitsisinnaavoq, maalaaruteqartup akiliutissaq akilersimangippagu.

Saniatigut Ineqarnermi Maalaaruteqartarfiup naammagittaalliutit itigartitsissutigisariaqartarsimavaat, pissutigalugu naammagittaalliutit qulaani taaneqartut Ineqarnermi Maalaaruteqartarfiup sullissinissaminut pisinnaatitaqarfianut ilaannngimmata. Assersuutigalugu illumi nipiliortoqarneranut, ineqarnermut akiliummut imaluunniit namminersortut attartortittagaannik naammagittaalliutaasinnaapput.

Kiisalu Ineqarneq pillugu Maalaaruteqartarfiup naammagittaalliutit aaliangiisartut suliassaannut tulluanngippata sulariumangissinnaavai, assersuutigalugu uppersaataasannik takussutissaqartariaqarnera pissutigalugu. Imaappallu maalaaruteqartoq tamakkiisumik ilaannakortumilluunniit maalaarumminik ilaleneqarsinnaangippat Ineqarneq pillugu Maalaaruteqartarfiup sulariumangissinnaavaa. Assersuutigalugu naammagittaalliortoq inissiap attartorneranut atatillugu piunasaqaatinik saqqummiussippat erseqqarissaaq qanoq ilaleneqarsinnaanersoq.

Ineqarneq pillugu maalaaruteqartarfiup ilaasortai

Ineqarneq pillugu Maalaaruteqartarfik aaqqissuussaavoq siulittaasoqarluni pingasunik maalaaruteqartarfimmu ilaasortaarluni.

Siulittaasoq taassumalu tullersortaa toqqarneqartarput Naalakkersuisumiit siunnersuusiorfigineqarnikkut Naalakkersuisunut ilaasortaaniit, ineqarnernut tunngasuusunut akisussaassuseqarfeqartuusumiit. Toqqarneqartut tamarmik immikkut inissiatileqatigiiffinnut tunngassuteqartunut ilisimasaqartuussapput imaluunniit inatsisilerituutut naammassisaqarsimassalluni kandidatitut soraarummeersimanermut uppersaateqassalluni.

Maalaaruteqartarfiup ilaasortaa ataaseq taassumalu sinniisussaa toqqarneqassaaq Naalakkersuisuniit siunnersuusiorfigineqarnikkut Inissiatileqatigiiffik A/S INI-miit.

Maalaaruteqartarfiup ilaasortaa ataaseq taassumalu sinniisussaa toqqarneqassaaq Naalakkersuisuniit siunnersuusiorfigineqarnikkut KANUKOKA-miit maalaaruteqartarfiullu ilaasortaa ataaseq taassumalu sinniisussaa toqqarneqassaaq Naalakkersuisuniit siunnersuusiorfigineqarnikkut Attartortut Nuna tamakkerlugu kattuffianiit IPK imaluunniit SIK, IMAK aamma PPK.

Maalaaruteqartarfimmu ilaasortaasut sinniisuilu inissiateqarnernut tunngassuteqartunut ilisimasaqartuussapput.

Ineqarneq pillugu Maalaaruteqartarfiup aaqqissuussaana taamaattumik kinguneqarpoq, attartortut attartortitsisullu soqutigisaqarfianniit sinniisoqartinneqarlutik.

Ineqarneq pillugu maalaaruteqartarfiup ilaasortai ukiut sisamakkaarlugit toqqarneqartarput, kingullermik toqqaaneq 2017-imi atorunnaarpoq. 2017-imi novembarip 15-iani Ineqarneq pillugu Maalaaruteqartarfimmu ilaasortanik nutaanik toqqaasoqarpoq. Ineqarneq pillugu maalaaruteqartarfik ileqqusumik ikinnerpaamik ukiumut pingasoriarluni ataatsimiittartussaavoq.

Suliassat ataasiakkaarlugit siulittaasumiit misissorneqartarput, ataatsimiititaliullu tamarmiusup aalajangiiffigisarlugit. Suliassat aalajangiiffigineqartarput taasinerni amerlanerussuteqarnikkut, tassannga siulittaasoq ilaasortaataasullu tamarmik taasinermik ataatsimik naleqartinneqarlutik. Taasinerni naligiissoqartillugu siulittaasup taasina aalajangiisuutinneqartarpoq.

2018-ip naalernerani aaliangiisartut imatut aaqqissuussaapput:

Siulittaasoq:

Naja Joelsen, inatsisileritooq.
Sinniisoq: Najattaaq Mathiassen

Maalaaruteqartarfimmut ilaasortat:

Lise Mørup Dalsgaard, PPK
Sinniisoq: Soqanngilaq, PPK

Pétur Guðmundsson, KANUKOKA,
Sinniisoq: Inger Larsen, KANUKOKA

Hans Erik Bresson, A/S Boligselskabet INI
Sinniisoq: Karsten Lyberth-Klausen, A/S Boligselskabet INI

4 Ineqarneq pillugu maalaaruteqartarfiup 2018-imi sulinera

Atuisartoqarnermut Unammilleqatigiinnermullu Aqutsisoqarfiup Ineqarneq pillugu maalaaruteqartarfiup allaffissornikkut suliasat isumagisarai.

2018-imi Naammagittaalliuuteqartarfimmi 3-5 inatsisilerituut 1-2 allaffimmiut sulisorineqarput, taakkunannga arlallit Ineqarneq pillugu Maalaaruteqartarfimmi sulianut peqataallutik. Ilisimasaniq annaasaqannginnissaq pinngitsoortinniarlugu anguniarneqarpoq Naammagittaalliuuteqartarfimmi sulisut suliat piareersarnerini peqataasassasut.

Ineqarneq pillugu Maalaaruteqartarfiup 2018-imi maalaarutit amerleriarnert misigeqqippaa. Naammagittaalliuutit amerlasuut, ataatsimiitsitaliap allattoqarfianit tiguneqartartut ilaat suliarineqarsinnaaneq ajorput. Ilaatigut peqquteqarpoq akiliutinik akiliisimannginneq aammalu Ineqarneq pillugu Maalaaruteqartarfik attartortitsisarnerup iluani susassaqarfiit aaliangersimasuinnaat suliaqarfigissallugit piginnaatitaaffeqarmat, ilaatigut suliakkiutit ilaasa maalaaruteqartarfimmi suliarinissai tulluanngimmata, uppernarsaatissanik takussutissaqartariaqarnera pissutigalugu.

2019-imi naammagittaalliuutit amerliartornerisa allanngunnginnissaat 2018-ip naalernerani ilimagisaq allanngunngilaq.


5 Naatsorsueqqissaarnek 2018

Ineqarneq pillugu Maalaaruteqartarfiup 2018-imi nuna tamakkerlugu attartortunit 78-nik maalaarutininik tigusaqarsimavoq, 2017-imi 62-nik tigusaqarsimalluni.

Suliat katillugit 38-t itigartitsissutigineqarput. Sinneruttullu 38-t akiliinngitsoorsimaneq pissutigalugu, suliassarfiup avataaniinneri pissutigalugit, amigartumik inatsisitigut killeqartitsineq pissutigalugu imaluunniit maalaaruteqartup maalaarutininik tunuartsinnarsimaneq pissutigalugu, imaluunniit suliaq taparserneqarnissaminut ilimanaateqannginnera pissutigalugu itigartitsissutigineqarsimallutik.

Taassuma saniatigut suliat 23-t maalaaruteqartarfiup ataatsimiinnermini suliarineqarput (takuuk pkt. 6.2).

5.1 Suliat itigartitsissutigineqartut agguataarnerat



5.2 Pissutsit piviusut najoqqutaralugit suliaasimasut

2018-imi Ineqarneq pillugu Maalaaruteqartarfiup pissutsit piviusut najoqqutaralugit suliat 23-t maalaaruteqartarfiup ataatsimiinnermini suliarai. Aalajangiinerit naatsumik imaqarniliorneqarnerat ataani ilanngunneqarput. Aalajangiinerit ataasiakkaarlugit Ineqarnermut maalaaruteqarnermi aalajangiisartut nittartagaanni (www.aua.gl) takuneqarsinnaapput.

Suliat 17-it pisunut assingusunut tunngasut aalajangiisartunut saqqummiunneqarput Taamaattumik tamaat isigalugu suliat taakkua ataani ataasiaannarlugit takutinneqarput (18/00646).

5.2.1 Suliassaq nr. 1 – 2016-17973

Attartortup nutsernermi akiligassaq naammagittaalliutigaa innersuussutigalugulu inissiatileqatigiifillu isumaqatigiissusiortoqassasoq, sooq nalinginnarmik iluarsartuussisoqarneranut akiliissannginnerluni.

Ineqarneq pillugu Maalaartarfiup isumaqarpoq attartortoq inissiap iluarsartuunneranut akiliissasoq. Maalaartarfiup aalajangiinermut tunngavilersuutigaa iluarsartuussinermut akiliisussaannnginneranut isumaqatigiissusiornermut uppersarsateqanngimmat. Taassuma saniatigut attartortoq attartortitsisorlu nuunnermi nalunaarusiamik oqaaseqaatitaqanngitsumik atsiorsimapput.

5.2.2 Suliassaq nr. 2 – 2016-8521

Attartortoq naammagittaalliorpoq inissiatileqatigiiffik ilaqutariit inaanni oqoqarneranut iluarsaassisimannngimmat misissuisimananilu. Attartortoq inissiatileqatigiiffittullu oqoqarnerata annertussusaanut arlaleriarluni misissuisimavoq. Misissuinerit inernerat oqoqassutaanut naapertuutinnilaq.

Ineqarneq pillugu Maalaartarfiup inissiaq suliffeqarfimmik arlaannaannulluunniit atanngitsumik misissortippaa, inissiamilu oqoqarsinnaaneramik takussutissamik annertuumik nassaarput, annertussusaalu uppersarsarsinnaanagu.

Ineqarneq pillugu Maalaartarfiup isumaqarpoq inissiatileqatigiiffik illup iluata silaannaani ajornartorsiutinik annertuumik misissuissasoq, aserfallanera illumik paarsinerlunnermik attartortullu paarsinerlunneramik pissuteqarnerasoq. Atisai, natersuit pequtillu allat inissiamiitillugit imaluunniit misissuisoqannginnerani peerlugit misissuisoqassanersoq isummerfigineqassaaq.

Aalajangiinermi Ineqarneq pillugu Maalaaruteqartarfiup malugaa, misissuinerit pisariaqartut suliffeqarfimmit arlaannaannulluunniit attuumassuteqanngitsumik naammassineqassasut.

Taamaattumik suliaq inissiatileqatigiiffimmut utertinneqarpoq.

5.2.3 Suliassaq nr. 3 – 2016-4454

Attartortup nutsernermi akiligassaq naammagittaalliutigaa innersuussutigalugulu iserternermi inissiaq amigaateqarsimasooq nalinginnaasumillu iluarsartuunneqarsimannngitsooq. Iluarsartuussinerup saniatigut attartortoq peerinut marlunnet amigaataasunut akiliisussaasimavoq.

Ineqarneq pillugu Maalaaruteqartarfiup isumaqarpoq, attartortoq nalinginnaasumik iluarsartuussinermut akiliissasoq aalajangiinermullu tunngavilersuutigaat, inissiap iserterfigineqarnerani iluarsartuunneqarsimaneranup uppersarsateqanngitsooq. Inissiaq misissorneqarsimanersoq attartornermut isumaqatigiissummi takuneqarsinnaanngilaq eqqaaneqaranilu.

Saniatigut attartortoq peerinut marlunnet akiliisimavoq, attartornerup nalaani peerinik taarsersuisarneq attartortup akilissammagu.

5.2.4 Suliassaq nr. 4 – 2017-2925

Attartortoq naammagittaalliorpoq inigisaminit nutsernermini inissiap eqqiarneqarneranut akiliisimagami.

Attartortoq inissiap takusarnerani peqataanissaminut periarfissaqarsimanngilaq naammagittaalliornerminilu ilisimatitsivoq, inissiap 20. juuni 2016-imi qimalernerani eqqiarneqarsimasoq matuersaatillu inissiaatileqatigiiffimmut tunniunneqarsimallutik. Inissiaq 8. aggusti 2016-imi takusarneqarsimavoq.

Kingornatigut inissiap eqqiarneqarneranut attartortoq akiligassinneqarsimavoq. Akiligassaq ullulerneqarsimavoq ulloq 7. aggusti 2016.

Ineqarneq pillugu Maalaaruteqartarfik isumaqarpoq inissiap qimannerani misissuineq inissiap qimanneqaqqaarnerani pisussaagaluortoq. Attartortup akiligassaq akilissanngilaa. Aalajangiineq tunngavilersorneqarpoq, attartortup inissiaq 20. juuni 2016 qimassimammagu matuersaallu utertillugu. Taamaalilluni attartortoq inissiaatileqatigiiffiup eqqiaatitsineranut akisussaannngilaq.

5.2.5 Suliassaq nr. 5 – 2015-16747

Attartortoq inissiamik paarlaateqatigiinnermut atatillugu iluarsartuussinnermut aningaasartuutit pillugit naammagittaalliorpoq. Attartortoq innersuussivoq, inissiani taakkunani marlunni attartortut paarlaaqatigiinnissartik kissaatigigaat, qularnaveeqqullu akunnerminni tunniunneqassasoq isumaqatigiissimallutik, attartortullu namminneerlutik inissiat qalipannerat isumagissagaat.

Attartortup nuannarinngilaa inissiaatileqatigiiffiup qalipaannermi suliaq suliffeqarfimmut qalipaasunut tunniussimammagu, taamaalilluni qularnaveeqqut nutaaq akilertussanngorlugu.

Ineqarneq pillugu Maalaaruteqartarfik isumaqarpoq attartortitsisarneq pillugu peqqussummi § 59, imm. 4 nr. 2 tunngavigalugu paarlaaqatigiinneq taamaallaat pisinnaasoq. Tassani tunngavilersuutigineqarpoq, attartortup aappaa qaammatinit 36-nit amerlanerusumik inissiami najugaqarsimammat. Innersuussutigineqarpoq attartukkaminnik paarlaasseqatigiissagunik attartukkat tamarmik qaammatit 36-t akornanni inissiamik paarlaateqatigiittoqarsimanissaa. Taamaalilluni attartortitsisarneq pillugu peqqussummi § 59, imm. 4, nr. 1 malillugu paarlaasseqatigiinnissaq pisinnaanngilaq.

5.2.6 Suliassaq nr. 6 – 2016-7400

Attartortoq naammagittaalliorpoq inissiami nalinginnaasumik iluarsartuunneranut akiliisusnaanerminut, innersuussutigalugulu inissiaq najorallaramiuk nammineerluni qalipassimallugu.

Ineqarneq pillugu Maalaartarfiup isumaqarpoq attartortoq inissiap iluarsartuunneranut akiliisasoq. Aalajangiinnermut tunngavilersuutigineqarpoq, attartornerup nalaani qilaat qaqorsartariaqarnerinut, iikkallu qalipannerinut aalitsersornerinullu kiisalu inissiami naqqit lakimik qallernerini aningaasartuutininut attartortoq nammineerluni akiliisasoq. Nutserernerup kingorna ingerlaannartumik iluarsartuussisoqarsimasoq inissiaatileqatigiiffimmillu akuerineqarsimasoq paasisutissanik takussutissaqannngilaq.

5.2.7 Suliat nr. 7-23 – 18/00646, 18/00658, 18/00660, 18/00661, 18/00662, 18/00663, 18/00664, 18/00666, 18/00667, 18/00668, 18/00669, 18/00670, 18/00671, 18/00672, 18/00673, 18/00674 og 18/00675

Attartortoq naammagittaalliorpoq inigisamut akiliut marloriaatingajaanik qaffassallugu attartortitsisoq ilimasaarisimammat. Qaammatit marluk sioqqullugit qaffaanissamut ilimasaarineq pisimavoq.

Ineqarneq pillugu Maalaaruteqartarfik isumaqarpoq ilimasaarineq atortussaangitsoq attartornermi inatsimmi piumasaqaatit naammassineqanngimmata. Ilaatigut qaffaanermi qaammammut koruuninngorlugit qassiussanersut allanneqarsimanani. Ilaatigullu minnerpaamik qaammatit pingasut atuutilinnginnerani ilimasaarisoqarsimannngimmat.